

增修浮山

縣志

歲在甲戌小春

長白慶鍾題



浮山縣志

同治十三年庚子冬
長白慶鍾題

增脩浮山縣志序

且事莫難于創始而功莫
優于相因則欲述前人之
遺徽以為後人之法守雖
數百載臥上之心心不可
見而一為之脩飾潤色斯

浮山縣志 序

忠孝節義之志遂無不昭
然若揭如在目前則信矣
邑之不可無志猶國之不
可無史也余自壬戌通籍
來晉庚午夏承乏是邦下
車伊始即披覽輿圖見其

卷頁之脫落鏤版之模糊
其殘闕亦不全者大半憲
文獻之無徵恐愈久而愈
失其真也心竊羸之夸攷
邑乘創自康熙閱重脩于
乾隆十未迄今又百餘年

予茲矣其間豈無可嗣徽
音所當續入志乘已垂不
朽者特莫爲之後雖美弗
傳耳於是廣詢博訪竟於
邑紳家獲一全帙是伊不
自我先不自我後而乃得

于深思遠慮之餘若有所爲
之守先而待後者此其中
殆有天焉非心之所能爲
也爰集同志諸君就其原
本重加釐訂譌者證之遺
者補之信者存之疑者闕

之竝取軋嘉以來之可傳
者附于後而邑志始有完
書亟詔手民重付梨棗五
閱月而告成不禁喟然曰
甚哉脩志之難也蓋地處
山陬車踰中子既多卷宗


之敬供復少父老之傳聞
則欲其簡而能諛約而能
詳不夏夏乎其鷄哉况余
賤性雖魯問政未遑而區
區重輯之初心計惟是補
刻前書編綴近事俾觀形

勢而知山川之夷險覽舊
蹟而識今古之慶興續選
舉以紀人材志節孝以載
苦節傳心之志行吾之志
此書成而吾志遂矣顧因
陋就簡接墜緒於幾亡非

敢云美備悉臻亦祇期白水盟心青山增色與式三同志樂觀厥成焉耳若夫興利除弊振廢起衰倍何以厚政伊已成有非常之人始克舉非常之業余不

敵雖有志焉而未逮烏得不於後之君子而深其屬望之思也夫是為序告龍飛同治十三年歲在甲戌十月朔旦賜進士出身

誥授奉政大夫候補直隸
州知浮山縣事加三
級長白農鍾撰書



補刊浮山縣志序

邑之有志猶國之有史家之有
乘人之有年譜也故或數年一
修或十數年一脩至遠不過數
十年從未有遠逾百年者浮山
縣志則自乾隆至今百餘年未

增一字中間可傳之人與一切
當紀之事吾不知其遺軼凡幾
而且原版殘缺舊本無多若再
過數十年將盡飽蠹魚之腹而
消歸於無何有之鄉矣後之人
雖欲踵而修之幾何不歎為杞

宋之文獻耶特菴慶公以名進士來宰是邦惠心仁術輿頌翕然公餘無他嗜好惟以振文修廢為務既刊張水屋詩藁則自廟學書院以迄厲壇城隍廟韓村南畔橋諸役無不次第舉修

俾各就緒以故卓著循聲一時藉甚予固耳熟公名幾欲學許行之滕受一廛而為氓乃歲在甲戌適官是學益信名下定無虛士洎索觀邑乘則又感慨係之矣當是時公方修訖文廟以

餘資補刊舊志并訪百年來可
傳不朽者類附於後以為斯乘
光雖滄海遺珠未必一網打盡
而凡耳目之所能及父老之所
傳聞固已附驥尾而行益顯而
不患與草木同朽腐也是志也

創始者前令潘侯續修者先紳
張子至公而再接再厲使百餘
年以徃之風土人物鄉賢名宦
無美弗彰百餘年以來之風土
人物鄉賢名宦無盛弗傳發潛
德之幽光俾流芳於百世視古

人之澤及枯骨吾不知其何如
而一腔子惻隱之心已於此而
畢露其端倪也異日得宰天下
亦如是邑矣爰濡筆而樂為之
序
昔同治甲戌秋月
勅授修職郎浮山縣儒學教諭

加三級昭餘李芬謹撰



浮山縣志序

麟經未筆之年晉先名乘馬
史易班而後志遂代書攷括
地於三唐未成全璧志前明
之一統厥有完篇下逮郡縣
之分編悉供朝廷之採輯此

兼收博取邑乘實開通志之
端而補闕拾遺草創尤賴纂
修之力浮山縣志始修於康
熙壬子再修於雍正壬子乾
隆甲子迄今百三十年矣風
聲政教幾經月異而日新闢

隘山川屢見增高而設險職
官多著勤勞之績甲科不無
繼起之英祥異疊呈俗風丕
變神祠陵墓多有待於增修
田賦倉儲不能無所沿革以
及戶口之有增減節義之有

題

旌一名一技之微胥堪採入先世
先民之澤幾欲就湮倘不補
輯於今時竊恐遺忘於後日
此邑尊特菴慶老夫子所
為急急於修志也溯從

龍入國之先毓靈長白當飛鳧下
車之始遇物垂青養育人才
化溥青糴之雨增加膏火春
噓白屋之風訓課時勤講求
備至修文廟以興文教不辭
功費之繁築社壇以祀社神

兼及農桑之務况復敬城隍
而新廟安邑厲而為壇高其
閉閤修我墻屋因有形之險
阻添設關防悼無主之游魂
買營義塚豆脚錢里嫌其擾
立法均攤限簿費民苦其繁

隨糧減損每下鄉則屏除雲
從恒巡野而多沛雨膏無利
不興有煩必滌凡益治便民
之事隨處留心而雙歧五袴
之歌厥聲載路因於政餘之
暇勤考簡編更從披讀之閒

訪詢古蹟憫舊志仍多闕略
設新局以廣採求挈領提綱
特下褒榮之筆分肌擘理兼
資入幕之賓婉而成章謹嚴
符春秋之律叙而不斷體例
合史傳之規冗者節而略者

增信者傳而疑者闕至公至
慎非毀非譽義著千秋芳垂
萬古片長載而神山壽永一
藝成而滴水流長擷譜牒之
菁華繁而不殺備彈丸之事
物要而加詳天時與人事齊

明風土共民情疊見行見弦
歌成化共知禮樂之可興從
茲文獻足徵益信典型之具
在操牛刀而小試鼎鼐會調
協鳥紀以成編輯軒備採高
文虹吐羣相翹企於鴻篇末

學蟲雕竊幸附名於驥尾昔
同治十三年歲次甲戌小春
例授文林郎揀選知縣壬戌
恩科舉人馬豫齡撰



序
邑之有誌凡以記山川
疆土物產民風以及古
今之沿革歷代之災
祥靡不博採兼收搜

討無遺雖不同國史
之義例精嚴而紀載
周詳采風者即可因
此以別是非定澹戒
焉則邑乘一編不綦

重歟今年暮余渴送
都下得交於農部張公
聆其言論已畧悉浮
山梗概復初來蒞此
邦觀風問俗知其扞

寔勤儉饒有古先遺
意及披閱舊志微憾
其未盡精詳因喟文
章一道作者固難述
者亦自不易官斯土

者日從事於簿書錢穀又不暇及此數十年來文獻日益湮沒其不致慨於世微者鮮矣未閱月觀察張公

以所修新志示余息心展玩其考核之精紀述之詳既明且確復謹而嚴舉前此廢墜之典章釐然大

備又嘆事世難易惟
恃其人是舉也有贈
君巍哉公為之前而
又得觀察公諸昆玉
為之後積十餘年之

心力遠稽遐考復不
惜指賞付梓俾千餘
年之殘缺一旦集成
於今日豈徒善溢善
述已哉余承乏茲土方

與與邑之紳士共興
廢墜何幸而得觀察
公諸昆玉為之倡率也
行將以是編獻之

朝右庶探風者樂而編

輯焉是為序

乾隆十年歲次乙丑季夏

初授文林郎知浮山縣事

廣陵田有伊謨



浮山縣志序

古者列國皆置史官以
紀其事即周禮外史之
職也後世因之郡有志邑
有乘顧史以寓褒貶立

賞罰垂千秋之法戒定
百代之是非美惡互陳
貞淫並列若乘則美者
錄而惡者不書貞者傳
而淫者不具第有紀載

之文而無勸懲之義豈
例有不同與然而紀山川
所以稽幅員之廣狹紀
疆土所以考賦役之重輕
學校關乎人文宦績本于

治政忠孝有傳植綱常
也節烈有記彰壺範也
而且人物之隱顯必書時
歲之災祥必誌寔是於記
載之中而存風勵之意

此棄之所以通於史也乃
吾觀昔之為史者如班史
失之固范史失之誕陳壽
之三國志多徇愛憎而
失是非魏收之北齊書每

通貨賄而忘公論識者不
能無譏焉要之史以傳信
信則可徵棄猶之史也聞
見不可以不博考據不可
以不精論斷不可以不當

俾採風者搜卷而知其
風俗之淳漓稽古者探冊
而知其人才之興替其有
關於治化豈淺鮮哉余
于乾隆癸亥初夏承乏

茲土披閱邑乘創自康
熙十二年前令潘公雖有
肇造之勞其中記載殊
多未備欲為增修又自
媿學識卑鄙弗具三長

兼以簿書鞅掌有志未
遠越明年冬適通議張
公手持志稿一帙示余曰
此先大夫因舊志簡略
謀之前令周公暨署令錢

公重加編輯者脫稿將成
而二公辭任先大夫捐館
其事遂寢余昆季輩
念先志未就思竟其業
焉余于退食之暇逐類

流覽見其序次精詳義
例明晰頗費苦心較舊志
加詳不啻十倍余何敢復
贅一詞唯自雍正壬子距
今已越一紀疆里山川雖
猶如故而

兩朝之因革損益歲時之消
長盈虛以及戶口之繁
庶賦役之增益學校之
蔚興仕宦之遷轉與夫

士女之芳規泚行隨省
疊見指不勝屈余與通
議公互相校讐言廣搜編
纂按類續入不數月而告
竣用請歸之棗梨刊刻

成書是舉也捐一己之私
囊任闔邑之公事義聲
獨著既不借助於他山眾
論僉符允足昭垂于奕
世余喜數十年來所遺

缺弗彰者一旦燦然布
列此固諸君子編輯之
功而余亦獲附名簡端
以光來許是則余之厚
幸也夫是為序

乾隆九年歲次甲子小春

勅授文林郎知浮山縣事鹿城

賈酉撰



浮山縣誌序

余聞之修廢舉墜者學士大夫之責而繼志述事者仁人孝子之行也夫事有關於人心風俗無論其分之得爲與不得爲皆可以毅然爲之而

不辭昔孔子之作春秋也筆則筆削則削以匹夫而上操二百四十年南面之權故曰知我者惟春秋罪我者惟春秋而天下後世卒不敢以其僭而議之如謂非吾分所得

爲而諉之而得爲者又不克
爲焉將廢者終不復修而墜
者終不復舉考古者所爲浩
然太息也浮山邑乘創自

國初始之者旣畧而弗詳繼之
者復成而未果百年來殘缺

之典幾等於腐草螢光奄奄
一息矣余

宗伯通議公恐文獻之無徵
慨然以修明爲已任脫稿甫
就旋即捐館余昆季等仰承
先志重行編輯而以其事屬

余余媿無茂先之博聞疆記
又籍非土著恐見聞不廣貽
譏有識然憶昔備位詞垣謬
居史職凡四方之山川風土
人物名賢蓋嘗三致意焉浮
堯墟也其俗儉其風淳思深

哉其陶唐氏之遺民乎是以
俊偉之彥閨閣之英與夫忠
孝節義之士接踵而出異日
採風而登太史之書者將指
不勝屈烏可聽其湮沒弗彰
使後世無從考邇也哉爰與

分纂分校諸君子悉心搜攬
拾遺補闕功歷寒暑始獲成
書是書也雖未知有當於古
制作之林與否而引古證今
義取其備例取其嚴不敢採
春華而遺秋實買文櫝而棄

明珠如紀星緯則本於五行
志紀疆輿則本於風土記紀
仕宦隱逸則本於世家列傳
贊至於學校以徵文治沿革
以明興替土產以別物宜災
祥以示修省事倍於前文增

於舊旣以備一邑之典章而
於人心風俗亦不無有所裨
益斯蓋余宗昆季等以仁孝
之心而成其繼述之事而凡
獲操鉛槧與於編輯之列者
其亦樂爲襄贊而相與有成

也夫是爲序

峕

乾隆十年秋七月穀旦

賜進士出身

誥授奉政大夫雲南道監察御史

協理陝西道事翰林院檢

討加一級蜀朗池張乾元撰



續浮山縣志稿序

舊志修於康熙壬子，歷今五十九年，老成凋謝，蕪地震之餘，冊籍散落，長吏有事，茲土者，纔四五十年，或不能舉其去來歲月，他可

知已方今

聖天子稽古右文，新開一統，志館令直省二三年內各輯成通誌，猷山右被

命既設局會城，日檄下郡縣，於舊志外皆續為草檢，以備

採擇上溯舊志告成之季
支干相配數一週矣豈所
謂天道變於上則人事應
於下者乎夫星辰纏次終
古不移山河形勝間有變
遷至如城郭廢興風俗淳

漓則月異而歲不同矣然
苟典非甚鉅雖小有損益
既載舊志何煩多贅惟
先農有壇 關帝三代有
廟以及忠孝節義等祠皆
制以義起斷自

宸衷為千古勗舉而我朝
列聖相承毅教四訖無遠弗屆
浮雖崑爾乘時策勲視管
有加下逮委巷匹夫匹婦
無不以廉耻節義相摩勵
者何其盛也踵事之增可


缺乎哉頽地乏通儒麓慚
鄴架而風塵下吏紛挐於
簿書獄訟之間筆墨久荒
日陋就簡雖粗備故實比
諸自鄒以下矣後有作者
揆藻摘華旁搜遠討彌前

人之罅漏成下邑之完書
閱覽君子聊以是為簸揚
之糠粃可也

雍正八年歲在庚戌秋月

浮山縣知縣山左周毓正

識



序

周官小史掌邦國之志
外史掌四方之志至漢
蘭臺令有志東觀繼之
凡海寓之山川風土職
貢官師謠俗景物辭章

條分派別實權輿焉迨
其後郡國有圖經風土
有記方輿有考而郡邑
志滋繁矣浮山為唐虞
甸服地唐宋胥班上縣
自金大定中定縣名浮

山至明季而戶口減耗
國家加惠元元休養寬恤
寢獲與他縣齒而士風
亦進而彌上顧舊志訛
缺事蹟弗彰迺司牧者
之責也雍正庚戌冬予

承乏委署政教所關雖
自慚謏劣不敢不竭蹶
趨事會邑通議孝廉二
張公有修邑志之役予
共為商推蒐輯遺文寢
獲成書凡析類三十有

七各為一卷視舊志倍
之而通議公之研精蒐
輯尚未有艾也壬子秋
予復被檄署臨晉而志
適告成通議公遣价持
書請予序其端予嘗誦

蔣文定公集曰九州之
志豈徒事彌文以飾吏
事哉辨封域則欲其慎
固別淑慝則欲其勸懲
錄丁口頃畝則欲徭賦
均平書學校教化則欲

習尚淳媿。臣至物產豐
耗吏治得失。莫不各有
微意。于其間。皆所以為
政化計也。至于文事武
備。內修外寧。不可臣一
日弛。故尤致意焉。予以

為史志之義例。不越此
今雖不敢比小史外史
勒為一編。以彰

聖朝風化典章之極盛。而猶
幸偕通議公成。是編獲
附圖經風土記方輿地

與諸書後以脩通志採
擇則後之君子欲述稽
神山掌故者庸或有小
補云爾

雍正十年歲壬子冬月
前署知浮山縣事今署

知臨晉縣事南蘭錢標
撰



序
後漢建武中始詔南
陽記風俗嗣是沛三
輔有者舊節士之序
魯廬江有名德先賢
之贊郡國志乘寢以

興矣隋詔天下諸郡
條其物產地圖上於
尚書遂有諸郡物產
土俗之記而州縣志
乘亦胥繇是繁衍焉
予邑古有志明季兵

燹雕板放失

國朝康熙十二年邑侯
寧遠潘公復編纂成
書於今八十有餘季
美歲戊申

聖天子稽古禮文

詔直省纂脩通志益金匱
石室之書蓬萊羣玉
之藏海內才喆既膺
採繹矣予爰與堂弟
大統議脩邑志昕夕
探討蘄備邑中掌故

而二子遠宦黔齊亦
斷用是儀型之會邑
侯錢公涖事政成人
和共為揚摧而余弟
倏有人琴之悲復獨
任其事以成厥志凡

三閱年而業始就卷
分三十有七益先正
所未備啓後學於來
茲此子倦上之志也
昔予邑載籍記於四
庫書目者唯唐李公

用德有羊角山晉州
慶唐觀記一卷至宋
邢學士而崇文總目
載錄差多若後之君
子繇予書而益擴之
則沛三輔之序魯廬

江之贊尚其無專美
於漢代也哉

昔

雍正十年壬子冬月
誥封通議大夫貴州按察
使司按察使原任湖

廣鄆縣知縣邑人張
堯撰於文明書園



原序

蓋聞莫爲之前雖美弗彰莫爲之後雖盛弗傳凡以表微闡幽固學士文人之事而興廢舉墜實官斯土者之任也余以康熙壬子歲恭膺

簡命來宰浮邑見其地瘠其民貧其風俗淳儉惟是甫經兵燹之後山川猶是人民半非城郭垣墉衙署祠宇殘毀傾圮百廢之未興者應俟次第補葺外及取閱邑乘則已十亡八九凡人物名賢忠孝節義之類其

有懿行可錄善績可紀者詢之故老幾不能詳述其本末矧自今以往又將何所考徵乎余正怒焉於懷適奉有纂輯志書之檄余於是齋盥焚誓矢慎矢公搜訪綜輯分類別門採真棄僞一邑之事備載無遺名雖因而實則創事雖舊而義則新蓋所以仰遵憲令而默寓激揚之微意也書成爰付剞劂以示將來庶乎興廢舉墜俾前之美者因此而彰後之盛者藉此而傳矣若夫發抒鴻藻敷揚彩筆是所望於博雅

之儒而是書亦第分草創之一得云爾是爲序
康熙十二年八月望日平陽府浮山縣知縣寧遠潘
廷侯撰

原序

恭惟

聖主撫運膺圖總車書而觀萬國俾天下郡邑纂輯志書
甚重典也予小子尠見寡聞三長乏技邑侯寧遠潘
公奉

諭旨而諮之本邑學博諸生不以予爲不肖過相推許予
固謝不敏公以爲憲令攸關不可無人以職其事勉
諭深至是以受命不辭方事之始予以體制未嫻恭

浮山縣志

序

一

求指授公曰志與史名雖異而實則同古來惟司馬
遷號稱良史謂其善於敘事不虛美不隱惡也載筆
者必學術正而好惡公方可勝任予因是矢公矢慎
據事直書夫山川形勢固千秋不改至於風俗人情
之遷變宮室坊里之廢興雖事屬瑣屑而亂離之後
實廢名存舊志原板又復散落難稽詢採綜輯頗亦
智困而神煩矣司馬溫公曰教化國家之先務風俗
天下之大事故於忠孝節義人物名賢之類贊揚稱

述尤致謹焉其有事無可傳雖赫奕不爲假借善有
可紀卽側陋亦與搜揚况邦國有志用以傳信將來
片語隻辭千秋榮辱倘評置爽衡不惟爲物議所叢
而賢人君子義士節女之英魂烈魄將有伺我於冥
冥者顧可以褒譏失實玷生平而羞史哉若此者所
以仰體邑侯責成之意亦不敢自負所學也昔楊文
貞士奇於彭侍御百鍊素不相能而爲之製辭褒美
甚至曰君子不以私害公予雖不敏竊願自附於前

賢矣凡爲類四十有六爲卷有四三易稿乃克成編
要皆質語平宣無能發揮捋鴻藻此則予咨量之所至
敢謂延露巴人可妄試於鈞天雅奏也哉

康熙癸丑歲初冬邑庠廩膳生員後學秦紹襄撰

浮山縣志

凡例 一十六則

一 邑志體義取詳備舊乘缺畧實多今編輯增補者十之五六凡史傳省郡各志一事一言之有關者悉行載入

一 舊志類繁事簡今照省郡志體例共爲三十七類每類冠以小敘其有事頗相近不能成帙者附焉

一 建置沿革自陶唐迄今數千餘年名易地移隸屬無

浮山縣志

凡例

一

常稽古者疑信各半今參酌舊籍考證諸說以成畫

一

一 輿圖職方所係舊志未備今詳加訂正繪列卷首俾

全邑形勝瞭如指掌

一 有事若可緩而實係邑政之大者若關隘武事今特增入以著綢繆未雨之意

一 職官舊志知縣始明洪武學博丞尉并明季亦遺之今於府乘暨邑碑碣中上至宋元搜補十餘以脩稽

攷

一貢舉一則恩拔歲副例胥編年敘列惟例貢名稱相同懼年久莫辨特於歲貢加一正字

一名宦舊志入祠者二人今照郡志採入共六人餘列職官其實有功德於民暨宦績之可見者各因事列傳蓋入祠有待公論已定也

一人物不列見在其蓋棺論定者各稽其事實列傳敘入

浮山縣志

凡例

二

一孝義爲人物之幹其大節無虧一行足錄者概行敘入以見善善欲長之意

一節婦照舊志悉錄復將已經旌表者續入外凡守志年踰五十雖未經奏聞而爲上憲旌獎者胥載之

以維風化至山陬僻壤一時未能周知者俟再爲補入

一邑乘取足門類附會往事者頗多今於仙釋流寓之類惟傳記及古蹟中有據者錄之其隱逸方技不敢

附會妄增

一古蹟有關政治風化者雖久廢必書以示愛禮存羊之意

一祥異係天人感應之機人事見於下斯天道應於上今自陶唐以來舉凡嘉祥盛瑞災眚旱潦之類悉行記載以明休咎

一藝文義存掌故自元明以上雖蠹簡殘碑博採廣收擇其關政治山川言詞雅正者概行採錄

浮山縣志

凡例

三

一邑乘創自

國朝康熙癸丑寧遠潘公增修於雍正壬子山左周公南蘭錢公告竣於乾隆乙丑經諸公網羅剔抉彙成一書前勛難沒悉列名於篇首并存其原序

增修浮山縣志

總纂

知縣慶

鍾

字靈甫號特菴滿洲正藍旗人咸豐辛酉科舉人同治壬戌科進士有序

參訂

教諭李

芬

字揚清太原府祁縣人廩貢生有序

分纂

盧夢蘭

字薌谷號竹虛太原府陽曲縣人太原府學貢生世襲雲騎尉有序

校閱

浮山縣志

增修

姓氏

吳鳳樓

字丹梯蒲州府萬泉縣人同治壬戌恩科舉人

馮家琳

字晉生浙江紹興府山陰縣人太學生

衛清漣

字桂陽邑人同治甲戌歲貢生

採訪

秦敦仁

邑廩生

賈增秀

邑附生

盧心鏡

邑廩生

張以全

邑廩生

程懋敬

邑廩生

衛清漣

歲貢生

秦思誠

邑廩生

陳鍾靈

邑附生

蓋鑑泉 邑人
府學廩生

姜瀛洲 布理問銜

許世顯 邑人
軍功五品銜

楊壽棫 候選千總邑武生

張 森 邑庠生

陝大經 邑庠生

監刊

典史陸福基 字少松順天府大興縣籍浙
江嘉興府平湖縣人監生

浮山縣志 增修姓氏

二

梓人稷山縣葛步廷鐫字

鳳臺縣王德經理

重修浮山縣志姓氏

總裁

浮山縣知縣賈

西

字聖軒直隸束鹿人甲午舉人有

張乾元

字義一號敬亭四川營山人丁未進士翰林院檢討雲南道監察御史協理陝西道事有序

分纂

皇甫奎

字斗山號大迂聞喜縣庠生

張華

字野菴號雪岷翼城縣太學生

校閱

浮山縣志

重修

姓氏

浮山縣儒學訓導溫

厲

字子威潞安府長子人歲貢

監修

浮山縣典史傅朝宗

字德旋浙江山陰人律貢

參訂

張萬屏

字翰臣號雙桐邑庠增廣生員

張體義

字雲如號澹齋貴州按察使司按察使有序

張再齡

字遐甫號余岩刑部湖廣清吏司郎中

張體中

字嵩麓號恬齋兵部車駕清吏司郎中

張慶潮 字肖韓號學海候選部寺司務

張介福 字爾康號景軒候選府通判

采輯

侯掄賢 字躋廷太學生

張澤瑛 字含美廩貢

張煦 字和章邑庠生

較刊

楊翔可 字鵬躍太學生

浮山縣志 重修 姓氏

燕大禮 字節菴太學生

歷年纂修浮山縣志姓氏

國朝康熙十二年

創修

浮山縣知縣潘廷侯 字次公三韓寧遠州舉人有序

校正

浮山縣儒學訓導王承訓 太原榆次人貢生

督刊

浮山縣典史戴日杲 陝西富平人

浮山縣志

創修 姓氏

編纂

秦紹襄 字謙祉邑庠廩膳生員有序

叅訂

喬昌齡 字允公號九錫壬子舉人沁州學正

蓋國翰 字 歲貢考授訓導

齊鳴嚶 字友聲恩貢考授縣丞

采輯

許州尹 字穎侯恩貢考授教諭

周珣 字宗彞歲貢候選訓導

較刊

秦永齡 典吏

雍正十年

續纂

浮山縣知縣周毓正 山東鰲山衛人辛丑進士有序

署浮山知縣錢標 字心茗江南武進人拔貢有序

校閱

浮山縣志

續纂 姓氏

二

浮山縣儒學訓導王廷獻 太同應州人歲貢

分纂

張垚 字峻公號巍峩原任湖廣鄧縣知縣候補主事同知有序

張大統 字淳菴號立齋丁酉舉人揀選知縣

采輯

張體智 字鑑如號古愚戶部雲南清吏司郎中

張體乾 字確齋號健菴歲貢候選部寺司務即用

浮山縣志

目錄

卷之一

圖考

卷之二

星野

卷之三

建置沿革

浮山縣志

目錄

卷之四

疆域 形勝 鄉坊 里所

卷之五

城池 市集 關廂 牌坊

卷之六

山川 水利 風景

卷之七

關隘 鎮堡

卷之八

橋梁 茶亭

卷之九

學校 名宦 鄉賢 忠義孝弟 節孝

卷之十

公署

卷之十一

戶口

浮山縣志

目錄

二

卷之十二

田賦 倉儲 鹽引

卷之十三

運支

卷之十四

兵防

卷之十五

驛傳 舖遞

卷之十六

封建

卷之十七

職官

闔屬

農官

駐防

卷之十八

宦績

卷之十九

選舉

文甲科
史舉

文鄉科

薦辟

貢舉

例盛

浮山縣志

目錄

三

卷之二十

材武

武甲科

武鄉科

武勇

卷之二十一

勲封

卷之二十二

人物

卷之二十三

孝義

卷之二十四

列女

卷之二十五

流寓

卷之二十六

仙釋

卷之二十七

風俗

浮山縣志

目錄

卷之二十八

物產

卷之二十九

古蹟

卷之三十

園亭

卷之三十一

陵墓

卷之三十二

祠祀

卷之三十三

寺觀

卷之三十四

祥異

卷之三十五

兵氛

浮山縣志

目錄

五

卷之三十六

雜志

卷之三十七

藝文

浮山縣志卷之一

圖考

昔周官詔觀事則有志詔地事則有圖蓋名物可以籍
 紀而形象非圖莫考也志之有圖信經野先資哉浮山
 古神山星次疆域山川城池厯學形象胥不可畧今悉
 圖之以存職方之遺俾觀者不出簡編而風土景物獲
 寓目焉志圖考

浮山縣志

卷之一 圖考

東北岳陽縣界

東沁水縣界

東南陽城縣界

疆域圖





浮山縣志 卷之一

圖考

二

西北洪洞縣界

西臨汾縣界

西南臨汾縣界



界縣


界縣

浮山縣志



卷之一

圖考



縣城圖




縣署圖




學宮圖



關廟圖





堯山龍井

浮山縣志

卷之二 圖考

八

神 山
景 山



素頰晴嵐



浮山縣志

卷之一 圖考

九




浮山縣志

卷之一 圖考

十



寺嶺巴照



浮山縣志

卷之二

圖考


十一

黑水清澗






天聖古柏



浮山縣志

卷之二 圖考



玉兔祥槐



浮山縣志

卷之一 圖考

十四



龍洞奇珍



浮山縣志

卷之一 圖考

十五



浮山縣志

卷之一 圖考



懸泉鳴琮

縣屬七路要

隘圖說

甲戌重九月

長白慶鍾題



浮山縣志

卷之一 圖說

東

七

界岳陽縣

界岳陽縣

九十里
張家灣


界沁水縣


四十五里駝葛河

北

界翼城縣

南





浮山縣志

卷之一

圖說

六

界臨汾縣

西

界臨汾縣

環邑四面皆山東北東南一帶崇山峻嶺險巖崎嶇車不得方軌馬不能成行西南則非山非川忽高忽下郊原片段層見錯出並無平川之地實為天塹若於接壤隣封各要隘據險設備斷道以守堵禦有方闔邑可保無虞如同治六年冬狃捻擾平陽竄及縣屬邊界經我境民勇先期挖斷車道協力嚴防將賊擊退未得闌入乃其明證蓋邑與隣縣交界處所均有險可守計大小要隘共有七處今總繪其圖於前並分著其說於後俾觀者瞭如指掌焉

正西韓村二十里界臨汾縣係赴郡通車大道最爲緊要其地南北兩崖高皆數仞中有土搭浮橋一道下臨深溝今於當路建關一座關頂連南北崖於往來接應崖邊各築土城一道上設女牆礮眼以爲防守護身之備順崖上堰開窰爲守者炊宿之地

正南南畔橋三十五里界翼城縣係至翼城通車大道其地東西皆深溝中有土橋一座今特改設吊橋並於當路建關二重左右築土城開窰以備守禦

西南槐塢村三十五里界臨汾縣其地南面深溝北面土崖由交界至溝邊築土城一道計四十餘丈開窰以備炊宿之所

正東張家灣九十里界岳陽沁水兩縣其地兩面高山官道在河於兩山根順堰各築土城一道綿長十餘丈高七尺城內依山崖開土窰八眼以備守者棲止有警卽倚城設防

正北楊村河二十五里界臨汾洪洞兩縣其地兩面皆

山道在沿河而上於兩山根築土城開窰有警卽於沿河兩面土城設防其至洪洞之路亦可以兼守

西北馬台村十五里界臨汾縣其地勢與正北楊村河大略相同彷彿照辦

東北駝葛村四十五里界岳陽縣其地兩面皆山中有下坡路一條北路民貧無力建關有警用土石將道砌斷並於兩崖間築土城開窰爲防守炊宿地高低與東路同